

دَارُ الْفُنُونِ

خفای فافولتیر محمد علی

حقوق ، سیاسیات ، اقتصادیات

ایکی آبدیه برنشر اولتور

مندرجات :

قسم مفوقی :

[والترشونبورن]		سفائن تجاریه نك حق مقاومتی
[ابوالعلا]		اسقاطاتده وكالت مسئلهسی
[نصرت]		بعض مالكتلرده اختلاف قوانینی
[ابوالعلا]		حل ایتك ایچون موجود اصول
		خیار نقد

قسم اقتصادی :

[م . زهدی]		علم تدبیر منزل
--------------	-------	----------------

استانبول - مطبعه عامه

۱۳۳۳ - ۱۳۳۵

دارالفنون

حقوق فائز له فی بحری

صفی : ۹

توز ۱۳۳۳ - ۱۹۱۲

سنة : ۲

قسم حقوقی

دشمن سفائن تجاریه سنک حق مقاومتی

حرب عمومی مسالمی

زمان حربده مخاصملردن برینه منسوب [۱] سفائن تجاریه نك طرف دیگر سفائن حربیه سی [۲] طرفندن توقیف و تحری ، ضبط و مصادره ایدلمی حقوق موضوعه دوله نظراً جائز و متعامل اولوب بویولده کی تشبثاته قارشى مذکور تجارت کیلرنده بر مقاومت حقنك موجودیت وعدم موجودیتی مسئله سی حرب عمومینك حدوثندن اول بیله علمای حقوق بیتنده حرارتله مناقشه ایدلمش ایدی [۳]

حرب عمومینك اشتدادی و دشمن تجارت بحریه و بالخاصه سفائن تجاریه سنه قارشى

[۱] بی طرف ملتله منسوب تجارت کیلرینك هنكام حربده توقیف و معاينه به مقاومت حقنه مالک اولمادقلری اوتهدنبوری مسلم اولدینی کی بواساس، لوندره حقوق بحریه بیاننامه سنك التمش اوچنچی ماده سیله ده صراحة تأیید اولونمشدر .

[۲] « معاون قرووازورلر » یعنی اصولی دائره سنده حرب سفائن شكانه افراغ ایدیلن تجارت سفائن ده بو بحثده بالطبع سفائن حربیه دن معدوددر . آتیله اوضاح ایدیله جکی وجهله سفائن تجاریه نك حق مقاومتی بحثی یکیدن او یانديران مسئله بو اولمشدر .

[۳] از جمله آلمانجه حقوق دول رساله موقوته سنك ۸ نجی جلدینك ۱۶۴ نجی صحیفه سنده حق مقاومتك لهنده بیان مطاوعه ایدن « اوپنهام » ك مقاله سیله عین جلدك ۳۷۸ نجی صحیفه سنده حق مقاومتك علیهنه سرد افكار ایدن (تریهیل) ك مقاله لری مقایسه ایدیله ییلیر . بومقاله لرده ۱۹۱۴ سنه سی ربیعنه قدر بومسئله حقنده انتشار ایتمش اولان آثارك اك مهملری ذکر و تعداد ایدلمشدر .

آجیلان جداله تحت البحرلر ایله طوریدولرک واسع مقیاسده اشتراکی ، بو مسئله به بویوک بر اهمیت حالیه و فعلیه ویرمشدیر . زیرا صو آلتنده سیر و حرکت ایتدکاری مدتجه هر هانکی بر دشمن سفینه تجاریه سنه قارشى قوت اعتباریه پک فائق اولان تحت البحرلر ، حق توقیف و تحریرلری استعمال ایتمک اوزره سطح دریایه چیققلری آنده ، تجارت کیمسک فاکهانی بر تعرضی احتماله نظراً بالنسبه تهلکهلی بر وضعیته کیرمش اولورلر .

واقعا ۱ شباط سنه ۱۹۱۷ تاریخلی آلمان بیاننامه سیله معین منطقه ممنوعه داخلنده بو مسئله نک اهمیت فعلیه سی الیوم خیلی آزامشدر . چونکه مذکور آبلوقه یا خود منطقه ممنوعه بیاننامه سی Sperrerklarung ، عمومیتله آلمان سفائن حربیه سنه و خصوصیه تحت البحرلر ، دشمن تجارت بحریه سی علیه نه کی حرکتلری ایچون تماماً یکی برمسک ، حقوقاً باشقه بر استادگاه ویریور . بو بیاننامه موجبنجه منطقه ممنوعه داخلنده آلمان سفائن حربیه سی ، - کندیلرینه قارشى مقاومت تشبث واقع ویا بویله بر حق موجود اولوب اولمادیغه باقمسزین - کرک دشمن و کرک بی طرف سفائن تجاریه سی بلا اخطار تحریب و احیایه مأذون بولونیور .

فقط مذکور منطقه ممنوعه خارجده سفائن تجاریه نک حق مقاومتی مسئله سی ، الآن بتون اهمیت فعلیه سی محافظه ایتکده در . بواهمیتی آرتیران برجهت ده ، دشمن سفائن تجاریه نک سیر و سفری ایچون غایت مهم اولان بالطق وقره دکیز ایله بحر محیط آطالاینک قسم اعظمی کبی ساحات وسیعه نک جمله سی ، آلمان تحت البحرلرینک جولانکاهی و دارالحرکاتی اوله بیلدکاری حالد آلمان منطقه ممنوعه سی خارجده قالمیردر .

سفائن تجاریه نک مقاومتی مسئله سنک صفحات ماضیه سی ده حقیقه شایان دقتدر : اون یدنجی عصر اوائلندن اون طقوزنجی عصر واسطنه قدر ، یعنی قورصانلق محاربات بحریه حقوقنده غیرمعترض فیه برقاعده اوله رق جاری اولدینی مدتجه بومسئله نک ماده حائز اهمیت اولماسی پک طیبی ایدی . ۱۸۰۴ سنه سنده انکلیز غنائم بحریه حکامندن لورد (استوول) طرفندن اعطا ایدیلوب سرعتله انتشارواشتهار ایدن برغیمت اعلامنده مندرج اسباب موجبیه نظراً ، کندیسنی ضبط ومصادره ایتمک ایسته یین بردشمن سفینه سنه قارشى بر تجارت سفینه نک مقاومتی حد ذاتنده غیرمشروع بر حرکت دکدر . بو حکم

اوزماندن بری كرك انكلیز و كرك آسریقا غناثم بحریه محكمه لری طرفندن مثال اتخاذ و براساس تعاملی و اجتہادی كبی تلقی ایدلمشدر . [۱]

۱۵ نیسان ۱۸۵۶ تاریخی پارس حقوق بحریه بیاننامه سنك برنجی ماده سی - كه *La course est et demeure abolie* دیور - موجبنجه قورصانلك القاسندن اعتباراً بو بحث جلب مراق ایتمه مكه باش-لادی . زیرا بر قورصان كیسنه یعنی محاربه بحریه به اشتراكه مآذون قیلتان خصوصی بر سفینه قارشى مسلح بر تجارت كیسنك مقاومتی ، چوق دفعه مؤثر و تأمین موفقیته مدار اوله بیلمش ایسه ده صوك سیستم بر حرب كیسنه قارشى بویله بر مقاومت امکان تصور اولونه مدیقندن آرتق اوزون بر مدت محاربات بحریه جدیده ایچون بوبحثك بریمتی قلمادینی ذهانی حاصل اولمش ایدی . بوسیله دركه نه لاهی قونفرانس لرنده نه ده ۱۹۰۸ - ۱۹۰۹ لوندرو مؤتمر بحرینسده بومسئله ، بر صورت حلایه اقراران ایتمه مش و اوزون اوزادی به مذاكره دخی ایدلمه مشیدی . [۲]

شوقدركه ایكنجی لاهی قونفرانسده سفائن تجاریه نك سفائن حربیه حاله افرای حقنده ۱۸ تشرین اول ۹۰۷ تاریخی بر مقاوله تنظیم ایدلمش و بونده بر تجارت كیسنك نه كبی شرائط داخلند ، نه صورتله حرب دوناتمانسه ادخال ایدله بیله جکی و معنای حق - قیسيله بر حرب كیسی حاله كتیريله بیله جکی ایضاح اولونمشیدی . بوسورتله حرب سفینه سی حاله افرای ایدیلان و عمومیتله « معاون قرو و اوزور » نامی آئنده یاد اولان سفائن تجاریه به قارشى بالفرض طویله تجهیز ایدلمش ، دیکر علی العاده سفائن تجاریه نك موفقیتله مقاومت ایتمسینه دائرة امکانه کیردیکندن بونلوك بویله بر مقاومت حقنه مالك اولوب اولمایه جقلى مسئله سی تازه لنش اولدی .

[۱] (قاترینا الزابت) اسنده کی سفینه حقنده صادر اولان ۱۲ حزیران ۱۸۰۴ تاریخی اعلام مقصوددر . بو اعلامك الكمهم قسمی حقنده (اوینام) ك مقاله سنك ۱۵۴ نجی و (تریهل) ك مقاله سنك ۳۸۲ و ۴۰۲ نجی صحیفه لرینه مراجعت ایديله . (تریهل) ك ایضاح ابتدیی كی بو اعلامده موضوع بحث دشمن سفینه سنك اساساً بر « حرب كیسی » می ، یوقسه ساده جه بر « قورصان كیسی » می اولدینی متن اعلامدن آكلاشیلامیور .

[۲] [۲] آوستریا - ماجارستان حكومتی طرفندن حكومت متعده آسریقایه تبلیغ ایدیلن « مارت ۱۹۱۷ تاریخی نوطه ده ایضاح ایدلدیكى وجهله ایكنجی لاهی قونفرانسی مذاكرانده بومسئله به آنحق علی طریق الاستطراد غاس ایدلمش ایدی . بر انكلیز بحریه ضابطندن صادر اولان بوملاحظه به كوره سفائن تجاریه نك غیر مسلح اولسی بر اساس طبیعی اوله در قبول ایدلمش ایدی . یعنی بوفكر ، سفائن تجاریه دن فعلاً بر مقاومت وقوعی احتیانی سلب ایدیوردی .

۱۹۱۳ سنه سنده انكلتره حكومتجه اتخاذ ايديلن برتدير ، مسئله نك اهميت ووخامتنى بستيون ميدانه چيقاردى . عوام قارده سنك ۲۶ مارت ۱۹۱۳ تاريخلى اجتماعنده بحريه نظارت نك برنجى لوردى ، انكلتر تجارت سفان جسيمه سندن برقسمنى ، وقت حضرده طوب و مهمات ايله تجهيز ايله مك نيتنده بولنديقى بيان ايتدى . آندن باشقه عندالحاجه يوسالحرى استعمال ايله جك طاقه لرك انكلتر بحريه سنجه تعليم و تربيه ايدملرى . مقرر بولنديقى وهنگام حربه بوملح سفان تجاريه نك دشمن معاون قرووازورلرينه قارشى مؤثر بر مقاومت احضار ايدملرى مقصدى تعقيب ايدلدىكى آچيقندن آچيغه اعلان اولوندى [۱]

بحريه ناظرى (جورجيل) ك عوام قارده سنده واقع اولان رسمنى برافاده سنه نظرآ ۱۷ مارت ۱۹۱۴ تاريخته قدر بو صورته قرق انكلتر سفينه تجاريه سنك تسليحي اكال ايدلش بولونيوردى [۲]

بويانامك شيوعى اوزرينه بالطبع نظريانده باب مناقشه يكيدين آچيلدى . زيرا انكلتره حكومتك ، حرب زماننده سفان تجاريه سنك سلاحه مقاومت ايتسنى يالكلر مسوغ اوللق دكل ، بللكه بويله بر مقاومت طوغرودن طوغرويه موق اولمقدن عبارت اولان مقصدى ، بويانات ايله اشتباهه محل قالمابه جق وجهله ميدانه چيقمش اوليوردى .

۱۹۱۳ ده حقوق دول انستيتوسنك اوقسفورد اجتماعنده « حرب بحرى قوانينه دائر تلخيص Manuel des lois de la guerre maritime » ك تدقيق ائساننده بومسئله دخى موقع تذكره قوتلش وحرارتلى مناقشاتدن صوكره (پول فوشيل) طرفندن تكليف ايديلن صورت حليه قبول اكثريته اقتزان ايتشدر . تصويب ايديلن بو تكليفه كوره محاربن سفان تجاريه سنك خصمه قارشى تجاوزى معاملانده بولنلرى ممنوع ايسهده بر

[۱] (تريپل) ك مقاله سنك ۳۷۹ نجى صفحه سته مراجعت .

[۲] بهر سفينه يه اكى دانه ۷۷۰ ك طوب وضع ايدلش ايدى . (وهبرغ) « حقوق حرب بحرى » عنوانلى اثر نك ۶۶ نجى صفحه سنده (جورجيل) ك بياننامه سنى درج و محال ايديلور . آلمانيا حكومتك متحده آمريقابا تبليغ ايتدبردىكى ۸ شباط ۱۹۱۶ تاريخلى نوطه نك (۱) نومرولى ملفوفنده دهها زياده تفصيلات واردور .

دشمن سفینه سنك تعرضه قارشى سلاح قوتيله مدافعه و مقابله ده بولمیرینه جواز ویرلشدر . [۱]

مع مافیه معلوم اولدینی وجهله بو « تلخیص » ك دولتر ایچون بروجوب سرعیتی ، قانونی و رسمی برماهیقی اولمادینی کبی مذکور اجتماعده تکلیف و قبول ایکیلن صورت حلیه نك نظری قیمتی ، اصابتی علیه قوی و مقنع دلآله مستند بعض اعتراضات ده سرد اولونمشدر . هر حالده حرب عمومیدن اول بومسئله نك نظریاتیه اشتغال ایدن علما بیتنده براتفاق حصوله امکان بولوناماشیدی [۲]

دشمن سفائن حربیه سنه قارشى تجارت سفائنك حق مدافعه سی وارمیدر ، یوقیدر ؟ مسئله سی ، حرب عمومی ایچنده صوك و قطعی صفحه سنه کیردی . چونكه دشمن سفائن تجارت بحریه سنه ایراث خسار ایچون تحت البحر لك قبول و تعقیبه مجبور قالدقلى اصول وقواعد حربیه ، بدرجه یه قدر بوسوالك جوابه تابع اولق ایجاب ایدیوردی [۳]

[۱] بو (مانوئل) ك اون ایکنجی ماده سی شو طرزده در :

« La Course est interdite. En dehors des conditions déterminées aux articles 3 et suivants, les navires publics, et les navires privés ainsi que leur personnel, ne peuvent pas se livrer à des actes d'hostilité contre l'ennemi. Il est toutefois permis aux uns et aux autres d'employer la force pour se défendre contre l'attaque d'un uuvire ennemi. »

« ماده ۱۲ — قورصانلق ممنوعدر . اوچنجی و آتی تعقیب ایدن ماده لرده معین شرائط خارجنده سفائن عمومیه و سفائن خصوصیه ایله مأمورین و مرتباتی دشمنه قارشى معاملات خصمانه یه کبری شه زلر . مع مافیه بونلرک ، بردشمن سفینه سی طرفندن واقع اوله جق تعرضه قارشى کندیلرینی مدافعه اتمک ایچون بوت استمهال ایتلری جائزدر .

بویابده پارسده منتشر حقوق عمومیه دول رساله « وقوتنه سنك ۱۹۱۴ سنه سنه طائد جلدینك ۷۱ و ۸۸ صحیفه لرنده (شارل دوپوئی) نك ، كذا ذکر ایکیلن ماده نك قبولی انتاج ایدن مذاکرات ایچون ده آنفالبیان مقلله سنك ۳۸ نجی صحیفه سنده (تربیل) ك مطالعاتنه مراجعت اولنه . [۲] بو مباحثات و مناقشاتك قسم کلیسی (اوپنهایم) و (تربیل) ك آثارنده مندرجدر . كذا بالخاصه (وه برغ) ك آرینك ۶۶ و ۲۸۲ نجی صحیفه لرنده مندرج تفصیلات شایان ذکردر . بو تألیف نفیسك ۶۷ نجی صحیفه سنك ۱ و ۲ اشارتی نوطلرنده تعداد ایکیلن آثار و منابعك مطالعه سی ده مفیددر .

[۳] بو ، بالطبع ۱ شباط ۱۹۱۷ تاریخلی آلمان بیئاننامه سیله تعیین اولنان منطقه ممنوعه خارجنده کی سفائن حقنده در . اولجه بیان ایلدیکی وجهله مذکور منطقه داخلنده کرک دشمن ،

انگلتزه ایله دیگر ائتلاف دولتری ، تجارت سفائنک حقوقاً بویله بر صلاحیت مالکیتنی قبول وادعا ایتدکری حالده آلمانیا ایله متفقری بونک عکسنی التزام و مدافعه ایتدکده درلر . الحاصل بر طرفدن انگلتزه حکومتی ، بالمعوم سفائن تجاریه نك تسلیحنی امر و قسم کلیسی حقنده یوتدیری تنفیذ و تطبیق ایتمکله برابر سفائن مذکورین - یالکز مدافعه یه دکل - دوغرودن دوغرویه آلمان تحت البحرلرینه تعرضده تحریک ایدیور . دیگر طرفدن آلمانیا حکومتی ده کندی تلقی و تفسیر حقوقی سندن سر مو انحراف ایتوردی . بو اختلاف ، حرک جریانی انسانده شدتلندی [۱]

سفائن تجاریه نك دشمن سفائن حربیه سنه رأساً تعرض حقنه مالک اولوب اولمادینی مسئله سی بوراده آریجه تدقیقه محل یوقدر . قبل الحرب اکثر حقوق شناسلر طرفدن بیان اولونان آرایه و اجتهاداته ، انگلیزلر طرفدن ییله سرد ایدیلن مطالعاته کوره بو یولده بر حرکت ، صورت قطعیه ده مردوددر . وبویله بر تعرضه اصلاً حق یوقدر . آندن باشقه نتیجه تدقیقات زده تجارت کیلرینک حرب سفینه لرینه مقاومتک ، توقیف و تحری تکلیفه مقابله استعمال سلاح ایتمنک عدم جوازی تحقق ایده جک اولورسه آتک ضمتده رأساً تعرضک عدم جوازی بالاولویه تبین ایتش اوله رق مسئله ، حقوق نقطه نظرندن کندی کنینه حل و فصل ایدلمش اوله جقدر .

هر حالده نظر دفته آلتفه شایان بر نقطه واردر که اوده فعلیاتده حق توقیفه قارشو ، سفائن تجاریه نك « مدافعه و مقاومتی » اکثر احوالده بر « تعرض » شکل و ماهیتی اکتساب ایتلی در .

کریک بیطرف سفائن تجاریه نك بلا قید و شرط تحریب و محاسی دشمن سفائن تجاریه نك حق مقاومتی مسئله یله علاقه دار اولمایان سائر بعض قواعد حقوق دوله مستنداً تجویز ایدلمش بر کیفیتدر . کذلک ائتلاف دولترینک تعداده صیغمایان معاملات حق شکنانه سنه قارشو - ضرار و اخذاتار مقصد یله حرب ده پره زایلرینه توسل حق و فکرینک ، تحت البحر اصول حربیه صورت تأثیری و بوکا حقوق دول قواعدینک درجه مساعدیه سی مسئله سی ، بومقاله ده مسکوت بر اقیله جقدر . بومسئله حقنده آلمانیا ده تشویق و تکلیفم ازرنه O. V. Alvensleben طرفندن اجرا ایدیلن تدقیقاتی حاوی « تحت البحر محاربه سی و حقوق دول » عنوانی آلتده منتشر ائرک ۳۹ نجی صحیفه سننده مندرج ایضاحات ، صورت مخصوصه ده جالب دقتدر .

[۱] غیر مسلح بر انگلیز سفینه تجاریه سنه قوماندا ایتدیکی صره ده چاقه صورت یله بر آلمان تحت البحرینه تعرض و مهنانه بر طرزده غرقه تشبیت ایتش اولان انگلیز قبودانی (فریات Fryat) عاینه آلمان محاکم عسکریه سندن صادر اولان حکم اعدام ، آلمانیا نك بونقطه نظرده درجه ثبانه بر دلایلدر .

حق مدافعه بختنده ازمنه سالفهده جاری محاربات بحریه اصول وقواعدینی ، زمانز اصول وقواعدندن تفریق ایله مك ایجاب ایدر . ماضیده سفائن تجاریه به برحق مدافعه بخش ایتمه محل اولوب اولمادینی مسئله سی برطرفه براقیله بیلیر . فی الحقیقه قورصانلغك حقوقاً جائز و جاری بولندینی زمانلرده بو حق مدافعه لهنه بر چوق دلائل اقامه سی قابلدر . چونكه قورصانلق حق ، دولت طرفندن تجهیز و مراقبه ایدیلن حرب سفائی ایله سفائن خصوصیه آره سنده کی حد فاصلی ازاله ایلدیکی کبی محاربات بحریهده اساس اعتباریله محارب و غیر محارب افراد آره سنده فرق قالماسنه سبیت ویرمکده ایدی . (ذاتاً محاربات بره ایچونده بوفرکك اهمیت حقوقیه سی ، آنجق اون طقوزنجی عصر ایچنده واضحاً تعین ایده بیلمشدر)

شبهه سزكه افراد طرفندن تجهیز ایدیله رك یالکزدولتدن رخصتنامه lettres patentes آلمش اولان قورصان سفائی ایله مرتبائی ، سفائن تجاریه تحری و تعقیبه قویولدقوری زمان دائماً محاربات بحریه قواعدینه حرفیاً رعایت ایتش دکلدرلر . بعض دفعهده انی تسلیح و مهمما مکن طوبله تجهیز ایدلمش بر تجارت کمیسی ، قونجه دشمنك قورصان سفینه سنه پك فائق بولونوردی . بوتقدیرده بلا مقاومت قورصان کیسینه تسلیم اولو ویرمك ، سفینه تجاریه به خیلی کران کلیردی . ۱۸۵۶ پارس حقوق بحریه بیاننامه سیله قورصانلغك القاسی وزمانمزد سفائن حربیه انشا آتنده مشهود اولان تکمل و ترقی حسیله وضعیت ، بالفعل دیکشمکله برابر مسئله حقوقیهده پك شایان دقت برتحول و شدت عرض ایتدی .

واقعا جهان حربنده قرووا زور و معاون قرووا زورلر هله آلمانیا ننگکیلر خیلی خدمت ایتشلر و دشمن تجارت فیلوسنه قارشى آجیلان جدال بی امانه موافقتله و شرفی بر صورتده اشتراك ایله مشلر سده غرق و یا ضبط صورتیله دشمن قوتندن طی و ترقین ایدیلن تجارت سفائنك هان قسم اعظمی ، فلا کتلیخی ، تحت البحر لرك و برده طور بیدر . لرك تعرضاتنه عطف ایتك مجبوریتده درلر . ایشته اصل بوایکی نوع سفائن حربیه به وبالخاصه تحت البحر لره قارشو دركه دشمن سفائن تجاریه سنك حق مقاومت و مدافعه سی قطعی براهیت احراز ایله مشدر . بو خصوصده محاربات بحریه حقوق وقواعدینك طرز تشکل و تکمیلی اوزرنده ترقیات صنایعنه ك تأثیر عظیمی محسوس اولمقدهدر .

فی الحقیقه كرك تحت البحر لرك و كرك طور بیدولر ، شكل و مقصد انشا لرینه نظر آ کند . بلرینه عائد خواص تعرضیه بی استعمال ایتدکلی زمان ، دشمنك هر هانکی بر سفینه

تجاریه سینه قات قات فاقه دولر . تحت البحر کیسی ، دشمن تجارت سفینه سینه کندینی
 کوستر مکسزین آنز قولایجه محو ایدہ جک بر طور پیل آثار و طوئیرہ بیلبر . تجارت
 سفائنک صورت انشالری دائما برنک طور پیلک اصابتله غرق ایدلمرینه امکا بخشددر .
 طور پیدو سفائنہ کلنجه ، بویله چویک بر جهاز حرب ، تام سرعتله یول آلہرق یا قلا .
 شدینی زمان ، مسلح تجارت سفینه سینه مستخدم وبالنسبه آز معلم طویجی افرادینه
 اودرجه اویناق ، واصابت ایتدیرلمسی مشکل بر هدف عرض ایدرکه سفینه تجاریه ،
 کندینی ایچون آز چوق بر چاره تحفظ دوشونمکه میدان بولمہ دن دانہ أجل آنی بولورہ .
 معلوم اولدینی اوزره صوک سبسم ، چالاک بر طور پیدونک هجومه اوغرایان ، آنکله
 حربہ طوتوشان قوی بر زرہلی بیله نتیجه دن بکده امین اولاماز [۱] . هله تحت البحر
 کیسنه قارشی حرب ایتک دائما تہلکلی برایشدر . دیمک اولورکه کندیلرینه خاص
 تعرض و تحفظ سلاحرینی استعمال ایدن طور پیدو و تحت البحر لره قارشی حربہ کیریشمک
 زمانترده الک جسیم سفائن تجاریه ایچون بیله هر حالده اتخاره شبیه بر حرکتدر . بونی
 اسکی زمانک قورصان کیمیری ایله آنلره قارشی اوقت جاری اصول حربہ قیاس ایتک
 عادتا کولونجدر .

دیگر طرفدن طور پیدو و تحت البحر لر - کلهک تام معناسیله - مکملاً تعلیم و تربیه
 کورمش مرتبانه مالک حرب کیمیلیدر . بونلر طرفندن واقع اولان طلب و تکلیف
 اوزرینه کندیلرینه درحال عرض تسلیمیت ایدن تجارت سفینه سی ، حقوق حرب بحری
 قواعدندن مستفید اوله جفته امیندر . نته کیم فعلیاتده آلمان سفائن حربیه سی ، هر زمان
 بو صورتله حرکت ایتشلردر . شوقدرکه بوبابده غریب بر حال حادث اولمقدہ در . کرک
 تحت البحر لره و کرک طور پیدولرک الک مهلک سلاح تعرضلری طور پیلدر . بونلردن
 ماوریدو سفینه سنک الک مؤثر واسطه تحفظی ، حائز اولدینی سرعتی ؛ تحت البحر لره
 مدار تحفظی ، صویک آلتندہ سیر و حرکتی در . تحت البحر بوسایده هم کوزه کورونمز ،
 همه صو طبقه سی سپردن استفاده ایدر . بوکا مقابل طور پیدو و تحت البحر کیمیری ،
 زره لوحلری حامل اولمقدلرندن غیر مساعد بروضعیت حدوننده اورته چاپلی دشمن
 طویلرینک تک بر اصابتی ایله محو اولمق تہلکسنه معروض بولنمقدہ درلر .

[۱] مثلاً «معاونت ملیه» نامندہ کی عثمانی طور پیدو سنک (غولیاط) اسمندہ کی انگلیز
 زرہلی سفینه سی - ہ قدر شانی بر صورتہ - فاصل غرق ایتدہ نخطر ایدلین .

معلوم اولدینی اوزره محاربات بحریه قواعدینه کوره بر سفینه حربیه طرفدن خصم ملته منسوب بر تجارت سفینه سنك ضبطی ، احوال عادیده شو طرزده وقوعولور . حرب سفینه سی ، بعض اشارات ایله تجارت سفینه سنه توقف ایلمنی اخطار ایدر . سفینه استورایتدکن صکره بر ضابط و برقاج طائفه تجارت سفینه سنه کیدر . بونلر ، سفینه نك اوراقنی تدقیق ولدی الحاحه سفینه و حمله بی تحری و معاینه صورتیله سفینه نك تابعیتی و حمله نك صفت حق قیه سی - قاجاق مال اولوب اولمادیغنی - صاحبی بی طرف و یادشمن اولدیغنی .. والح - تحقیق ایدر لر . بونك اوزرینه ایجاب ایدر سه سفینه ضبط یعنی آکا وضع ید اولونور . و بعض احوالده ، باخصوص سفینه مضبوطه نك برلیمانه قدر ایصالی ممکن کورونمیدیکی تقدیرده یولجی و طائفه چیقارلدقن صوکره سفینه غرق ایدیلیر .

طبیعیدر که نه تحری و معاینه ، نه ضبط و وضع ید کیفیتلری ، طوریدونك تام سرعتله یول آلدیغنی و تحت البحرک صویه مغطوس بولندیغنی بر صروده اجرا ایدیله من . بلکه تحت البحر صویک یوزینه چیقمه و کرک تحت البحر و کرک طوریدو سفینه تجاریه نك یانه یا قلاشمه ، و تحری ائنانده اولدقده ساکن بولونمغه مجبور اولور . دیمک اولور که هر ایکسی ده شمدی به قدر مرعی حقوق بین الملل قواعدینه توفیق معامله ایدنجه - سیر سریع ، خفا ، سیر ماء کبی - اک اساسلی وسائط تحفظ و مدافعه لرینی ترک ایتش اولور لر . حتی بو وضعیتلرنده اک مهلاک سلاح تعرضلری اولان طورپیلی بیله در حال دیله دکلری کبی استعمال ایتمه - بعض اسباب قیه به مبنی - مقتدر دکدر لر . شو حالده بونلر ، تحری ائساننده موقه غیر محفوظ وهمانده مدافعه دن عاجز بر حالده بولنمقده در لر .

او زمانه قدر اوصلی طوران ، ساکن و آسوده کورون دشمن سفینه تجاریه سی ، بردن بره طوب آتشی و یا یالکز چاتمه تشبثی ایله تعرضه کچوریر سه - خصوصیه خیلی بطی الحرحه اولان - تحت البحره قارش یلک قولای موفق اوله بیلیر . شو حاله کوره تجارت کیسنی طوردرمغه تشبث ایتک بیله تحت البحر ایچون خطر دن سالم بر حرکت دکدر . چونکه تجارت سفینه سی ، - حق یالکز مدافعه - آتش آچق صورتیله سطح دریاه چیقمش اولان تحت البحر یلک قولای تهلیکه به القا ایده بیلیر .

بوندن آ کلاشیلور که خصوصیه تحت البحر لر ، دشمن سفائن تجاریه سنه قارش ی ایشای وظیفه ایتدکلری زمان - تجارت کیسنه حق مقاومت بخش ایدلش اولور و بنا .

برین تحت البحر مقابله به و یا خائنه بر تعرضه دوجار اولی احتمالیدن غیر مصون بولونور
ایسه - محاربات بحریه ده شمدی به قدر متعامل قواعد بین المللک دوام مرعیتی تحت
امکانه قالمز [۱] شو صورتله حق مدافعه مسئله سی، تحت البحر طرفندن تجارت سفائنه
قارشی آچیلان مدعش جدالک جریان عمومیسی اوزرنده قطعی بر اهمیت آیلور [۲] .
اول امرده حقوق نقطه نظرندن تجارت سفائنه حق مدافعه سی لهنه سردایدلمش
اولان مطالعاتی تدقیق ایدلم : ماضیده جریان ایتمش اولان احوال و وقوعاته استناد
و آنکه احتجاج ایتمک - یوقاریده ایضاح ایدلدیکی وجهله - بالطبع غیر مصیب و نا کافی دره .
چونکه بالفعل وضعیت تبدل ایتمش ، حرب بحریده وسائط و حادثات بام باشقه بر ماهیت
اکتساب ایله مشدر . حتی صحت و وثوق هیج بروجهله ثابت اولمایان بو سوابقه باغلانان
انکلیز طرز تلقینه کوره ، ماضی ایچون عرف و عادت اوزرینه مبتنی بین الملل بویه بر
حقک موجودیتی قبول ایدلمک ایستقاسه بیه بو جهت ، حال حاضر ایچون هیج بر
اهمیت حقوقیه تضمن ایتمز .

شمدی به قدر (اوپنهایم) ایله سفائن تجاریه نك حق مدافعه سی طرفدارانندن دیکر
بعض ذوات طرفندن ذکر ایدلمش اولان وقایع مختلفه دن استنتاج ایدلدیکنه کوره اولجه
منفرداً بعض دولتر ، خصوصیه انکلیزه و آمریقای شمالی حکومتات متحده سی ، دشمن
حرب سفائنه قارشی تجارت کیلرینه بر حق مدافعه ویرمشلردر . منفرد بعض دولترک
اجتهاد و تعاملی ایسه - اک معروف حقوق دول علماسی طرفندن دائماً تسلیم ایدلدیکی
وجهله - بوتون دولتر ایچون واجب الرعايه قواعد بین الملل احداث ایدمه چکی کبی
بالطبع اوپنهایمک استمداد ایدلدیکی نك توك بعض علمانك آراسی ده بو وادیده اوپله جهان
- مطاع قواعد وجوده کتیرمهک الویریشلی دکدر [۳] . محقق اولان بر جهت وارسه

[۱] تجارت سفائنه کندی حکومتلری طرفندن بویه بر حق مقاومت ویرلرزه حرب
سفینه سی مدافعه و مقابله امکانی نظر اعتبار آلفه مجبور قالمز . بو تقدیرده تجارت سفینه سی
مرتباتی ، بالفعل مقابله کویستر دکلری زمان یالکز مهالک حرب دکل ، مغلوبیت وقوعنده حقوق
عمومیة دول قواعدینه توفیقاً دکز حیدودلری کبی معامله به مروض قاله جقلمی یك اعلا تقدیر
ایدلر .

[۲] معامله انتامیه - حرب ده پره زایی حقک تحت البحر محاربه سنه نه درجه به قدر
اجرای تأثیر ایدلدیکی مسئله سی ، بالاده ده بیان ایدلدیکی اوزره ، بوراده موضوع بحث ایدلیه جکدر .
[۳] آلمانجه حقوق دول مجموعه موقوته سنک جلد ۸ ، صیفه ۳۹۰ - ۳۹۷ ده (Triepel)
مقاله سنه مراجعت .

اودہ ، موجودیتی ہو کونہ قدر هنوز اثبات ایدلماش اولان بو عرف وعادتک - ولو ماضیدہ بر کرہ موجود بولونمش اولسون - محضاً بوندن دولایی زمانمزدہده مرعی اولسی ایجاب ایتیمہ جکی در . بو حقیقت ، ماہیت مسئلہ دن استنباط ایدیله بیله جکی کبی حرب عمومی امتداد بحجہ ظهور ایتمش اولان دیگر بعض فرصت لردہ کرک دشمنلریمز وکرک بی طرف دولتلر طرفندن اعلان ایدیلان اساسات حقوقیہ دہ موافق دوشمکدہ در . شمدی یہ قدر بوتون حرب بحری حقوقک تمللرینی تشکیل ایدن بعض دساتیر حقوقیہ نک شو محاربه ایچندہ انکلتہ طرفندن بستیون عندی وکینی بر صورتہ حکمدن اقاط ایدلسنہ قارشى [۱] متحدہ امریکا حکومتی ، محاربات بحریہ نک وسائط وشرا - نطنده حصو له کلش اولان تحولات عظیمہ حسیلہ بو آنہ دکین مناسبات بین المللہ عمومیتلہ قبول ایدلش فقط بر آز اسسکیمش بولان قواعدک تعدیلان امکان موجود اولدینی نقطہ نظرینی اتیان و التزام ایلمشدر . بنابرین ازمنہ سالفہدہ موجودیتی ادعا اولنان عادت وقاعدہ نک زمان حاضر ایچوندہ لزوم وجود وبقای اثبات ایدلدکجہ برکونا قوہ تأییدیہ سی اولمایہ جنی آشکاردر .

شوحالہ حق مدافعہ لهنہ سرد ایدیله بیله جک دلائل ، فعلی و عملی اسباب موجبہ یہ منحصر قالمش اولیور . بوبایدہ اک زیادہ شایان دقت مطالعات ، (اوپنہایم) ایله (وہ برغ) ک آثارندہ کورلمکدہ در .

(اوپنہایم) ک اک مهم دلیلی شودر : سفائن حربیہ طرفندن دشمن تجارت کیلورینک ضبطی ، تمامیلہ « معاملات خصمانہ » دن معدود اولدینی کبی ضبط ومصادرہ نک مقدمہ سی دیمک اولان توقیف کیفیتندہ دشمن تجارت سفینہ سنہ قارشى حرب کیسی طرفندن آنجق حقوق عمومیہ دولہ بناء اجرا ایدلش بر صلاحیت موجود اولوب یوقسہ فعل مذکور حقوق بین الدولہ کورہ برحق تشکیل ایتیمہ مکدہ در . (حال بوکہ دیگر طرفندن ینہ (اوپنہایم) ، بی طرف بر تجارت سفینہ سنک حرب کیسی طرفندن توقیفی برحقک استعمالی کبی تلقی ایلمہ مکدہ در .)

مؤلف مومی الیہ تجارت سفینہ سنک مرتبائی ایچون حقوق نقطہ نظرندن تام معناسیلہ بر « مدافعہ مشروعہ » نک موجودیتی ادعا وقبول ایتیمور . یالکز حد ذاتندہ حقوق [۱] مثلاً آبلوقہ حقندہ پارس حقوق بحریہ یاننامہ سی احکامی ایله بی طرف بایراق آلتندہ دشمن اموالنک مصونیتی مبین تہدات کبی .

دوله مخالف اولمايان افعال خصمانه دن برینه قارشى كنديلرينى مدافعه ايتك ايچون تجارت سفائنه بر صلاحيت بخش ايتك ايستيور . (مدافعه مشروعه ايسه اساساً ، دائماً قانونه مخالف بر تراضى دفع معناسى متضمندر)

اثرينك ۶۳ نجى صحيفه سنده (اوپنهايم) دييور كه :

« حقوقاً جائز كوريلن افعال خصمانه دن هر برينه قارشى ديكر طرفك انقياد وظيفه سيله مكلفيتى اولمادىنى كچي دشمن سفائتك ضبطى كيفيتك مشروعتى ، اغتنامه نمانت ايتمه مك ايچون بوسفائنه بروظيفه تحمیل ايدمه من . » محرر ، ديكر بر مسئله يي دها ايضاح ايتمه كچاليشيور : اوده دشمن سفائن تجاريه سنه قارشى تطبيق ايديلن حق اغتنام ايله محاربات بريده جارى تكاليف حربه اصولى آرمسنده اساس اعتباريله برفرك موجوديتيدر . (اوپنهايم) ك ايكنجى اساسى دالىلى شودر :

ايكنجى لاهى صلح قونفرانسك اونبرنجى مقاوله نامه سنك آلتنجى ماده سى [۱] حكمنجه دشمن سفينه تجاريه سنك ضبطى ، مرتباتك اسير حرب اولسى احتمالى انتاج ايله مكده در . بناءً عليه يكديكرييله حال حربده بولان دولتر سفائن تجاريه سى مرتباتك قواى بحريه افرادندن وبالتيجه محارب دولترك قوه مسلحه سى اعضاسندن بولندقلرى بالاولويه ثابت اوليور .

« حق تحرى » نك استعماله قارشى كچي مرتباتك وضعيتى ، محاربه بريده « تسليم اول » تكليفه قارشى كوچوك بر مفرزه نك وضعيته تماماً مشاهدرد . مع هذا — (بونى اوپنهايم بالخاصه (شرام Schramm) ك بعض اعتراضاته قارشى سوياليور) — كرك قهر كرك دكنر محاربه لرنده كرك تعرض وكرك مدافعه ايچون استعمال سلاح صلاحيتى ، آنجق

[۱] مذكور ماده نك متى شودر :

Le capitaine, les officiers et les membres de l'équipage, nationaux de l'Etat ennemi, ne sont pas fait prisonniers de guerre, à condition qu'ils s'engagent sous la foi d'une promesse formelle écrite, à ne prendre, pendant la durée des hostilités, aucun service ayant rapport avec les opérations de la guerre.

دشمن دولت تبعه سندن فيودان ، ضابطان ، ومرتبات سفينه ، مخاصماتك دوامى مدتجه حركان حربه ايله مناسبندار هيچ بر خدمت قبول ايتمه جكاريني مع البين تحريراً تمهد ايتك شرطيله اسير حرب ايدلنر

قوای منتظمه محاربه عائد بولونمسی قاعده حقوقیه سی ، معلوم اولدینی اوزره بعض استثنائات عرض ایتمکده در .

اوپنهایم محاربات بریده « نفیر عام » [۱] اصولی مثال کوستره رک محاربات بحریه ده دشمن سفائن تجاریه سنک حق مدافعه سی آکا قیاس ایدیور فقط بو حق مدافعه ، بر مقاوله مخصوصه دکل - بلکه قدیم بر عرف وعادته مبتنی اولدینی بیان ایلور [۲] (وه برغ) ، بو مطالعاتی عمومیتی اعتباریه بالقبول بالکمز بعض نقاط فرعیه سی تعدیل وتوسیع ایلهمش [۳] ، واز جمله دیمشدرکه : ضبط ایدیلن دشمن تجارت سفائنک حق تصرفی غنائم بحریه محکمه سی قرارینه معلق دکل ، بلکه ضبطدن اعتباراً « غانم » اولانه منتقلدر . بونکله (وه برغ) ، (اوپنهایم) ک سرد ایتدیکی دلیلی تقویه یه یعنی بر دشمن تجارت سفینه سنه قارشی « حق تحری » نک استعمالی صرف بر معامله خصمانه ماهیتی حائز اولدینی اثباته غیرت ایلهمشدر . بودلائک برقمیله فضله اشتغاله لزوم یوقدر . (وه برغ) ک صوک ادعاسنه کلنجه کندیمی [۴] بیله اقرار ایتکه مجبور اولورکه بو فکر ، کرک نظریاتده غالب اولان اجتهاده وکرک اکثر دولک صریح و معین قانونلرینه مغایردر .

تجارت سفائنک طائفه سی اولویتله محارب عد ایتک لزومنه دائر (اوپنهایم) ک مطالعه سی ، کرک (تریپل) وکرک (وه برغ) طرفلرندن مدلاً رد ایدلمشدر . هرایکسی ده (اوپنهایم) طرفدن اونبرنجی لاهی مقاوله نامه سنک آلتنجی ماده سنه استناداً سردایدیلن مطالعاتی تنقید ویالکمز اسیر دوشمک احتمالک مقاومت ایچون برحق وصلاحیت بخش ایتدیکنی اثبات ایتمکده درلر . چونکه بالفرض برحربک اعلاقی متعاقب دشمنه منسوب فقط هنوز دشمن اردوسنه التحاق ایتهمش اولان افراد اسیر آلتقی ایسته نیلیرسه ، شبهه سزکه حقوق دول نقطه نظرندن بونلرک ابراز مقاومتیه صلاحیتلری اولماز [۵] بونکله (اوپنهایم) ک ایکنجی اساسی دلیلی برطرف ایدلمش اولور .

[۱] محاربات بریه قوانین وعادته دائر لاهی نظامنامه سنک ایکنجی ماده سی

[۲] بوادعا بوقاریده جرح ایدلمش ایدی .

[۳] « حقوق حرب بحری Das Seekriegsrecht » سنک ۲۵۸ نجی صحیفه سنده (۴)

و ۲۸۳ نجی صحیفه سنده (۱) اشارتلی حاشیه لره مراجعت .

[۴] صحیفه ۲۷ و ۲۴۴ الخ

[۵] تریپل : ۴۰۲ و ۴۰۴ - وه برغ : ۲۸۳ - تجارت سفائنی مرتبانتک برحق مدافعه یه

(او بهایم) که برنجی دلیلی دهامهم کورینور . بوبرنجی دلیله کوره دشمن تجارت سفائنه قارشی «حق تجری» نک استعمالی آنجق بر جوازک تطبیقندن، بی طرفلره قارشی حقیقی بر «حق» که استعمالندن دشمن تجارت سفائنی ضبط ومصادره کیفیتیه ده (واقعا حقوق دولجه مجوز) معاملات خصمانه دن برینک اجراسندن عبارتدر . دشمن و بی طرف سفائن تجاریه سنه قارشی «حق تجری» نک استعمالی ، حقوق نقطه نظرندن هر تقدیره کوره عین صورته محاکمه ایدیه میه چی تصدیق وتسليم اولنه بیلیر . فقط مسئله اوراده دکلدر .

چونکه تجارت کیسنگ تحریسند و ضبطنده تعقیب ایدیلن اصول ، ایلک توقف امرندن غنائم بحریه محکمه سنج قرارینه قدر ، باشند باشه حقوق دول قواعدی دائر سنده تماماً تسبیق وتنظیم ایدلش ، نظام آلتنه آلتش بر طاقم معاملات در که [۱] قانونی بر تدبیرک بتون اوصافی احتوا ایتکده ده . بو وصف ، صرف قوته مستند اجراءات تضمن ایدن «معاملات خصمانه» دن فارق بر اساسدر (بو معاملاتک حقوق دولجه مجاز اولوب اولدیغی ده آیری بر مسئله در .)

واقعا مقصده باقلمیره دشمن تجارت سفائنه قارشی اغتنام اجرایی، دشمنی اضرار مقصدینه مبتنی اولوب شواله کوره ینه بر «معامله خصمانه» در . فقط بومقصد ، بی طرفلر طرفندن تحمیل ایدیلن حرب قاچاغی اشیاسنگ مصادره سنده ده موجوددر حال بوکه بوسورته مصادره ، بالاتفاق حقوق دولک بخش ایدلیکی بر حق وصلاحتیک استعمالی کی تصدیق وقبول ایدلشددر .

دیگک اولبورکه اغتنامه نظر اعتباره آله حق جهت، بوتدبیرک علت غاییه سی دکل، بلکه شکل وطرز اجرایی در . دشمن تجارت سفائنه قارشی حق اغتنامک استعمالنده تدبیر مذکور ، شبهه سزکه حقوقاً واضح صورته تنظیم ایدلش بر معامله اولدیغندن بوسورته بومعامله نک هر جزئی محاربلیک حقوق دولجه تصدیق ایدلش بر حق وصلاحتی

مالک اولدقلری اثبات ایدلش اوله بدی آنجق اوزمان نفع عام اصولیه بر مقایسه یا عینی جائز اوله جقدی حال بوکه بوحق هنوز اثبات اولونغه محتاجدر .

[۱] آئیده ایضاح اوله حق جهتلر، (تربیل) که آنرنده هنوز کافی درجه ده نظر اعتباره آلمامشدر. ینه کافی اولامقله برابر دهامفید اولان اثر اولجه ذکر ایدیلن O. V. Alvensleben تدقیقاتی مهنوی اثردر . صحیفه : ۵۲

تعبیر دیگرله حقوق دوله موافق تام معناسیله بر «حق» ک اجراسی ماهیتی اکتساب ایتش اولیور [۱]

دکزده اغتنام ایله قرهده وضع ید اصولی آره سنده - بوایکنجیلره قارشی ممانعتی تجویزایتمه مکه برابر - اساس اعتباریله بر فرقک موجودیتی اثبات ایتک ایچون (اوپنهایم) بوشنه یورولیور . اغتنام ، تکالیف حربیه نك بر نوع مخصوصی اولمادینی دوغرودر . فقط بوراده حل ایدیله جك نقطه اعتباریله هرابکی حقک استعمالنده وضعیت حقوقیه بر در . زیرا محاربات بریه قوانین وعادته دائر لاهی قونفرانسی مقرراتنك ۴۹-۵۱ ، ۵۳ تجی ماده لرندن منظم اوله جنی وجهله تکالیف حربیه ممانعت جائز اولمادینی کبی تکالیف تقدیه استیفاسته (حرب ویرکوسی) افراددن حرب ایچون مقتضی لوازمه وضع ید ایدلمسنده غیر محاربلر طرفندن ممانعت کوسترمک امکانی یوقدر . حال بوکه بومعامله لرده استهداف ایدیلن مقاصد آره سنده فرق واردر . ایدنی دشمن سفائن تجاریه سنه قارشی توقیف حقنك استعمالی بر «حق» ک تطبیقی عد ایدیلنجه بو معامله یه قارشی دشمن تجارت سفینه سنده بر حق مقاومت فرض ایله مک عقلاً و منطقاً منصور اولاماز [۲] بوسورتله دشمن سفائن تجاریه سنك حق مقاومتی لهنه سرد ایدیلن دلائلک کافه سی رد وجرح ایدلمش اولیور .

بالمقابله تدقیقات بزه کوستریورکه بویله برحق مقاومت، منطقاً قابل تجویز دکلدرد . چونکه دشمن سفائن تجاریه سنك توقیفی خصوصنده حقوق دولک حرب کیلرینه بخش ایتدیکی حق وصلاحیه مغایردر . حال بوکه مقاومتک ردی ایچون بومنتقی دلیلدن

[۱] بو «حق» ک بالفعل بر اهمیت مخصوصه سی واردر . چونکه دشمن سفائن آره سنده بیله اریله لری واردرکه علی العاده ضبط و مصادره یه معروض اولماق لازمدر مثلاً یالکز دینی ، فنی ویا منافع انسانیه وخریه وظائفی ایله موظف سفائن واردر . (ایکجی لاهی قونفرانسنك اون بریجی ، قاوله سنك دردنجی ماده سه صراحت) بونده حق بحری ، ضبط و مصادره نك مقدمه سی اولمادینی جهتله دشمن سفائن تجاریه سنه قارشی ده حق تحرینک صرف افعال خصمانه دن اولمادینی پک آشکار بر صورتده تجلی ایله مکده در .

[۲] هیچ اولمازسه فعلاً مقاومت جائز دکلدرد . تجارت سفینه سنك فراره تثبیت ایده بیلوب ایده میه جکی ، باشقه بر مسئله در . تطبیقاتده شمدی یه قدر تعقیب ایدیلن اصوله کوره بوکا جواز کوسترلمش ایه ده دشمن سفینه حربیه سی بوفرار تشبته قارشی هردرلو وسائطه صراحت ، حق سلاح دخی استعمال ایده بیلور .

باشقہ ، عصر اخیر اساسات حقوقیہ سندن مستنبط دہا مهم دیگر برطاقم اسباب مادیہ دہ وارد .

زمانمزدہ حقوق حربک الک تسلیمت بخش تجلیاتندن اولمق اوزرہ غیر محارب لک یعنی دشمنک قوہ مسلحہ منتظمہ سندن معدود اولمایان سیویل اہالینک مصائب حربیہ دن مصون بر اقلیمسی قاعدہ کلیہ سی موجوددر . بومصونیتک نتیجہ طبیعیہ ومتقابلہ سی اولمق اوزرہ غیر محارب افرادہ بروظیفہ ترتب ایدر : اودہ حرکات حربیہ اشتراکدن توفی ایلہ مکدر . غیر محارب لک ، بروظیفہ یہ عدم رعایتلہ معاملات خصمانہ یہ اشتراک ایلہ دکلری تقدیردہ — تغییر عام کبی عہود ایلہ صراحتہ موضوع بعض استثنالردن صرف نظر — حقوق حربک شدائدینہ تماماً معروض اولقلہ برابر محارب صفتیلہ معاملہ کورمک حقدن دندہ محروم قالرلر .

اہمیتی درکار اولان بواساس حقوقینک علت موجبہ وغائیہ سی شودر : زمانمزدہ بر قوہ مسلحہ ومتظمہ ، ہر حالہ دشمن دولتک سیویل اہالیسنہ قدرہ پک فائق اولدیفندن بورجحاتی استعمال ایدرسہ غیر محارب اہالی یی محوایدہ بیلہ جک حالہ در . آفات ومصائب حربیہ نک بی لزوم اولہرق تزیادینہ محل بر اقامق ایچون حقوق دول ، دشمنک غیر محارب اہالیسنہ قارشئ بوقافیتنی استعمال ایتکدن قوہ مسلحہ یی منع ایدر . فقط طبعیدر کہ قوہ مسلحہ منتظمہ ، آنجق حقیقہ " غیر محارب " یعنی مختصانہ بیکانہ اہالی قارشیندہ بوقواعدہ رعایتلہ مکلفدر [۱] بوقسہ تفوقدن استفادہ ایدہ جک ومکن اولدینی قدر آزضایعاتہ اوغراق ایچون صرف غیرت ایلہ جکدر . بونی تأمین ایچوندہ اول امردہ ضرر ایقاعندن — ممکن اولدینی قدر — دشمنی منع ایتکدن سوکرہ سلاح طائیمق صورئیلہ وایات خصمانہ ایلہ داعی شہہ بروضعیتدہ طوئیلہ جق بالجلہ افرادی شدتلہ جزا دیدہ ایلہ جکدر .

ایستہ تحت البحر لک معاینہ ومصادرہ بحریہ حقنی تطبیق ایتدکلی اثنادہدہ بوکا مشابہ بروضعیت تکنون ایتکدہدر . تحت البحر لک ، بلا شک ، دولتک قوای منتظمہ بحریہ سی اقسامندن درلر . وپوصقلہ بالطبع اغتام حقنک استعمالنہ صلاحیتداردر .

[۱] دشمن مملکتدہ کیجہ لین بی تاب ہر حالہ منزلتہ کلن عسکر ، ظاہراً مطیع اولدینی ایچون مصون برانلمش اولان خانہ صاحبنک - ظلمت لیلدن بالاستفادہ - کندینہ صورت خائنہدہ قتل ایجہ جکندن امین بولمیدر .

اولجه ده ایضاح ایدلدیکی وجهله بونلر ، قوت و قدرت اعتباریه هر نوع تجارت سفائنه قات قات فائقدرلر . تحت البحرلر ، صویك یوزینه جیقمق صورتیه لك مهم واسطه تحفظلرینی ترك ایتدیکجه کندیلرینه قارشى آجیله حق مجادلده سفائن تجاریه نك موفق اولسی ایچون هیچ برامید واحتمال یوقدر . حال بوکه شمدی یه قدر مرعى اصول وقواعد موجبنجه تحت البحرلر حق تحری بی استعمال ایچون طوعاً سطح بحره جیقبورلر . اوزمان دشمن تجارت سفینه سی بردن بره تعرضه ابتدار ایدرسه تحت البحر ، در حال لك بیوك تهلكیه معروض اولور .

بو تعرضه بالطبع هر حرب کمیسندن وهر مساح تجارت سفینه سندن آجیلوب تحت البحر ایچون داعی مخاطره اولان ساده طوب آتشدن عبارت دکلدر . تجارت سفینه سنك چاتمه تشبیه ده تحت البحر ایچون عین درجه ده مورت تهلكه اوله بیلیر بویه برچامه تعرضنك اجراسی ایسه هر هانکی بر سفینه تجاریه طرفدن ممکندر .

شوالده بك عیاندركه دشمن تجارت سفینه سنك — اكثریا بالفعل تعرض ماهیتی اکتساب ایده جك اولان — برمدافعه ومقاومت تشبیه معروض بولونمق اندیشه سندن آزاده قالدیقی مدتیجه ، تحت البحر حق توقیفك اجراسی امرنده شمدی یه قدر جاری اصول وقواعد معتاده یه رعایت ایده بیلیر . لکن معین بعض اسبابدن ناشی بویه بر تعرض احتمالی قارش یسند بولوندیقی تقدیرده بالطبع تحت البحر بوکا میدان ویرمه مکه غیرت ایده جك یعنی بلا اخطار وبلا توقیف دشمن تجارت سفینه سنی طور یالله یه جکدر . بوهر حالده تحت البحرلر لك حق صریحی در . [۱]

بونك خلافي التزام ایتك ، حقوق دول قواعد اساسیه سنه مغایر و بك عندی صورتده تجارت سفائنك طاقه سنه بر امتیاز بخش ایله مك دیمکدر . بر طرفدن شخصاً هر درلو تعرض احتمالندن مصون قالان طاقه ، دیگر طرفدن کندیسنه ویریلن بو حق استعمال ایله بر آن ایچون ضعیف بر وضعیه کیرمش اولان تحت البحر مقاومت کوستره رك مصادرده یه مانع اوله بیلیر . فی الحقیقه بو مدافعه حق سایه سنده دشمن قوه بحریه سی مهم بر مقدارده محاربلرله تقویه ایلش اوله جفی کی بونلره برده بدایه تعرضه دوچار اولماق کی بر امتیازده تأمین ایلش اوله جقدی . بوایسه هیچ بروقت شایان قبول کوروله من .

[۱] مقابله بالمثل ومعامله انتقامیه طریق ایله ده بویه برحق استخراج اولنه بیلیر . فقط بوراده

بو مسئله موضوع بحث دکلدر .

تحت البحر ، دشمن تجارت سفینه سنک تدافعی و یا تعرضی حرکات نه زمان جدی صورتده معروض بولونور ؟ بوسواله جواب اوله رق دییه جکز که : دشمنک بالعموم سفائن تجاریه سندن هر زمان بویه بر حرکت انتظار اولونا بیلیر . چونکه بونلر طویلرینی واپوره و الکز رسم ایفاسی و یا تشریفات اموری ایچون برلشدیرمش دکدرلر [۱] محاربه حاضرده ائتلافک همان بتون تجارت سفائن قارشیسنده بواحتمال تجاوز درپیش ایدلک لازم کلیر . چونکه معلوم اولدینی اوزره اخیراً ائتلاف حکومتلری ، قاعده کلیه اوله رق باجمله تجارت سفائنک طویلرله تجهیزینی امر ایتمشلردر .

شوقدرکه غیر مسلح بوانان ، طویلرله تجهیز ایدلمه یین واپورلرده باشقه برسلحه مالکدرلر . اونلرده صوبوزینه جیقمش اولان تحت البحره چاته تشبند بولونمق صورتله تحت البحر ایچون تهلمکه تشکیل ایده بیلیرلر . واقعا ، مجرد بو احواله بناءً طویلرله مجهز اولمایان بر دشمن تجارت سفینه سنک تعرض و یا مدافعه نیتند بولوندینی حقنده صاغلام بر حکم ویریله من . فقط بو احوال فی ایله برلکده برده تحت البحرلره قارشى ، ممکن اولدینی قدر بوجاتمه سلاخه مراجعت ایدلمسه دائر دشمن حکومتلر طرفندن کندی سفائن تجاریه لرینه اوامر اعطا ایدلدیکی ، تعیر آخرله سلاخه سفائن تجاریه نلکده بویه بر تجاوزله مکلف اولدینی معلوم بولونورسه اونک تحت البحره تعرض نیتند اولمادینی بولنده بر حسن ظنه هیچ سبب قلماز . دشمن حکومتلرینک کندی تجارت کملرینه رسماً بوکبی تعلیمات اعطا ایتش اولدقلى ایسه جهانک معلومی در .

بناءً علیه دشمن حکومتلرینک اختیار ایتدکلری بومسلک نتایجندن اوله رق هر تجارت سفینه سی ، فی الحقیقه تحت البحرلره قارشى ، اساساً حقوق بین الدوله مغایر اوله رق مسلحاً مقاومت و یا دها زیاده منافی حقوق اوله رق بر تعرض نیتند بولمقله متهم اولدیقندن یکی منطقه ممنوعه خارجنده دخی بوقیلدن تجارت سفائنک بلا اخطار و بلا توقیف طور پیلانمسی ، تحت البحرلر ایچون برحق صریح حاله کلشدر .

اگر جمله سنه قارشى هر وقت بویولده حرکت ایدلمه مش ایسه آلمان حکومتک و آلمان تحت البحر قوماندانلرینک انسانیته تشکر ایتلیدر . بونلر حقوق دول و جائنیدن زیاده

[۱] اگر دشمن حکومتلری ، سفائن حربیه ایله برابر تحت البحرلره قارشى ده مدافعه ده بولوناملری ایچون صراحتاً تجارت سفائننه تعلیمات ویرمش و بوکبی اوامرک اعطا ایدلدیکی محقق بولنش اولسه بدی ، اوزمان بوراده وضعیت باشقه اوله قعدی .

اوله رق - کندی تحت البحر لری ایچون دها بیوک برتهلکه حصوله کلسنه رغماً - مقتضیات مروتہ رعایت ایتشلردر .

بو مطالعات صرہ سنده طوپله مجهز دشمن تجارت سفائی حقندہ خصوصی برجهتک دها نظر اعتبارہ آلمسی لازمدر . عصر حاضر حقوق دولی، یالکز معین بعض اصول وقواعد دائره سنده قوای بحریه منتظمه عدادینه ادخال ایدلمش اولان و « حرب کیمی » دنیلن سفائن ایله « حرب کیمی اولمایان » سفائی طانیر. قورصانلقک الفاسندن بری بوایکیسنک اورته سنده دیکر برچشید دها بوقدر. [۱]

حرب دونماسنک بعض معاون کیمیرینه بوقطه دن خصوصی بروضیت ویرمک ایچون اجرا ایدلمش اولان تشبثات، شمدی به قدر برنتیجه به اقتران ایتمه مشدر، هر حالده بعضاً مسالم بر تجارت کیمی حالده و تجارت سفائنه عائد حقوقدن استفاده ایدره ک بی طرف لیانلره کیروب چیقان، بعضاً دشمنک بر طاقم حرب کیمیرینه قارشى مجادله ده قوای بحریه نك بر جزؤ مشروعی ماهیتی حائز متوسط بر زمرة - که ائتلاف دولترى بونی مسلح تجارت سفائی حقندہ تطبیق ایتک ایستیورلر - نك وجودی تصویب و تجویز ایدیله من.

مسلح تجارت سفائی ایچون وضیت ایکیدن خالی دکلدر : بونلره یا حرب کیمی نظریله باقمالی یا خود مسالم گمی صفتی ویرملى در . بونلر حرب کیمی می در ؟ او حالده دشمنک دیکر سفائن حربیه سی کی طبیعی بلا اخطار طور بیل آتیلهرق غرق ایدیله بیلیمک ایجاب ایدر. کذلک بی طرفلر جانبندن ده سفینه حربیه معامله سی کورمى لازم کلیر . چونکه تزوید خصوصنده، بی طرف لیانلره مدت توقفک معین و محدود اولمى بختده وسائر خصوصاتده بونک بویوک اهمیتی وارددر. بوسفائن حرب کیمی دکلده مسالم کمی می در ؟ او حالده سلاح ایله مخاصماته اشتراک ایتکدن، تحت البحر لره تجاوزدن قطعاً اجتناب ایتیلیدر . بوقسه فرائق تیروورلاک ویا دکز حیدودانی یا پمش اولورلر . انکلتره حکومتی، کندیسنه خصم اولان دولتره قارشى برنجی نقطه نظری قبول ایتکده در . ۱۹۱۴ سنه سی Prize Courte Rules ک برنومرولى امرنامه سنده تعریفات میاننده :

[۲۹] ۹۱۴ سنه سنه عائد ناوتیقوس سالنامه سنك ۲۶۵ نجی صحیفه سنده مسلح تجار کیمی عنوانی مقاله بالخاصه شایان مطالعه در .

«Ship of War» shall include armed ships» حرب کیمسی تعبیری مسلح سفائنه ده

شاملدر « دینلیور .

بو بویه ایکن کندینسک « مسلح سفائن تجاریه سی » حقنده عادی تجارت سفائنه بخش ایدیلن بالجله حقوق و امتیازاتدن استفاده ایتک ایسته یور . حتی قواعد حربیه به تماماً رعایتکار بی طرفلر ، بوکی مسلح تجارت کیمسنه عادی تجارت کیمسی معامله سی ایتیز و بونلره او حقوق طایعازلر ایسه انکلتزه ، بر حدت کسلیور .

حقوق دوله نظراً مسلح تجارت کیمسی صفتی ویرمک ایچون او کیمک تسلیچندن باشقه حرب کیمسی شکنه افرانغی خصوصنده مقتضی بالجله شرائط ایفا ایدلمش بولونمسی الزمدر . آلمان غنائم بحریه نظامنامه نه ذیلاً ۲۲ تموز ۱۹۱۴ تاریخنده نشر ایدیلن ماده قانونیه ده توقیف و ضبطه قارشی سلاح قوتیه مقاومت کوسترمش اولان مسلح تجارت کیملرینک مرتباتی حقنده اسیر حرب معامله سی قبول ایدلمسی ، آلمانیا طرفندن یک بویوک بر اثر عاطفت و مرحتدر . حقوق بین الدول قواعد قطعیه سنه نظراً آلمانیا حکومتی ، تماماً حرب کیمسی شکنه افرانغ ایدلمش و بونکله برابر سلاحله مقاومت کوسترمک صورتیه مخصوصانه اشتراک ایتیش بولنان بالجله تجارت سفائنک مرتباته فرائق تیرور معامله سی تطبیق ایتک لازم کلیردی .

ذاتاً آلمان غنائم بحریه نظامنامه سنک ذیلی مسلح بر تجارت سفینه سنک تعرضی بر ماهیتده هر بر حرکتی شقاوت بحریه کی تاقی و اوکا کوره جزاسنی ترتیب ایتکده در . غیر مسلح تجارت سفائی مرتباته کلنجه : بونلر هر هانکی بوجهله مخصوصانه فعلاً اشتراک ایدرلر - ولو اغتنام معامله سنه مقاومت صورتیه اولسون - آلمان قانونیه کوره یونلری فرائق تیرور کی عد ایتک ایجاب ایدر . واقعاً مذکور نظامنامه ذیلی بونی صراحة ذکر ایتیمور سده بو بایده کی تعلیماتنامه بو معنایی تضمن ایتکده در . بالکسر سلاحله مقاومت ابراز ایدن مسلح بردشن تجارت سفینه سی مرتباتی حقنده آلمانیا طرفندن دهها ملایم بر معامله اجراسی ، البته حقوق دوله مضایر دکلددر . چونکه هیچ بر دولت ایچون افعال ممنوعه بی حقوق دوله تجویز ایدیلن جزالرک اشد و اعظم سیله جزا دیده ایتک بر مجبوریث یوقدر .

الحاصل دقتله مطالعه ایدیلر ایسه ، حقوق دوله کوره وضعیت حقوقیه بوجه آتی در :

حقوق دوله سفائن ایکی نوعدر : (۱) حرب سفائن (۲) ماعداسی ، . . حرب سفائنک غیری ، . . بونک بر اوچنچی نوعی یوقدر . آنجق حرب سفائن و مرتباتی مخصوصاته بالفعل اشتراک ایدیه بیلیرلر . مسلح مقاومت ویا تعرض ایله مخصوصاته اشتراک ایدن غیر محارب سفائن و طائفه لر ایچون حقوق دولک بخش ایلدیکی هر دولو حمایه زائل اولور یعنی علی العاده دشمنک غیر محارب اهاالیسنی صیانت ایدن حمایه دکل ، بلکه خصمک قوای منتظمه حربیه سنک مستفید اولدقلری حمایه بیلر آنلره ویرله من . بوآدملر، دکر حیدودی کبی معامله کوره بیلیر .

بوصورتله دشمن سفائن تجاریه سنک مدافعه و مقابله حقنه اصلا مالک بولونمادقلری تظاهر ایتمکده در . ائتلاف دولتلری طرفدن بویه برحقک موجودیتنه دائر سردایدیلن مدعیات ، ضبط و مصادره حقنده شمدی به قدر معمول به قواعدی مرعیتدن اسقاط ایچون آلمان تحت البحرلرینه صلاحیت ویرمکده و بعض احوالده بونی بر ضرورت حاله قویمکده در .

بوادعالر ، بالمجوریه ، محاربه بحریه بی لزوم فوقده تشدید ، و تحت البحر سلاحک تأثیراته هیچ برقیصه ایراث ایدیه مکسزین بوش بره انسان تلفاتی تزیدد ایتمکدن ، بر جوق غیر محاربلرک مع التأسف هلاکنی انتاج ایله مکدن باشقه برثمره ویرمه مکده در . بناء علیه هیچ اولمازسه بو حربدن صوکره ، حقوق بین الدول قواعدیله قابل تألیف اولان یکانه نظریه نک ، یعنی هیچ بر صورتله تجارت سفائنک مسلحاً مخصوصاته اشتراک ایدیه جه جکلری اساسنک بالعموم دول بحریه و خصوصیه دول معظمه طرفدن صورت قطعیده قبول و تصدیق ایدلمسنه تهالکله انتظار ایدهرز .

استانبول حقوق فاکولته سی

حقوق عامه مدرسی

دوقنور و الترشوبوره

مترجمی

حقوق عامه مدرس معاونی

لئونه سونمانه